



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 2 23 0000188087



16/02/2023

სსიპ - ილიას სახელმწიფო უნივერსიტეტის "რუსისტიკის" (ძირითადი და დამატებითი სპეციალობა) " საბაკალავრო საგანმანათლებლო პროგრამისათვის აკრედიტაციის მინიჭების თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. აკრედიტაციის დებულების 27-ე მუხლის მე-7 პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) სსიპ - ილიას სახელმწიფო უნივერსიტეტმა 2022 წლის 28 ოქტომბრის №35/6902 წერილით (ცენტრში რეგისტრაციის - №1374482) წარმოადგინა სააკრედიტაციო განაცხადი "რუსისტიკის" (ძირითადი და დამატებითი სპეციალობა)" საბაკალავრო საგანმანათლებლო პროგრამის აკრედიტაციის თაობაზე.

2.2. ცენტრის დირექტორის 2022 წლის 21 ნოემბრის № 1484270 ბრძანების საფუძველზე, სსიპ - ილიას სახელმწიფო უნივერსიტეტი ცნობილ იქნა აკრედიტაციის მაძიებლად. ცენტრის 2022 წლის 07 დეკემბრის № 1563022 ბრძანების საფუძველზე შეიქმნა ექსპერტთა ჯგუფი, რომელმაც დაწესებულებაში ვიზიტი "ანგლისტიკის (ძირითადი და დამატებითი სპეციალობა)", "გამოყენებითი გერმანისტიკის (ძირითადი და დამატებითი სპეციალობა)", "საფრანგეთისმცოდნეობის (ძირითადი და დამატებითი სპეციალობა)", "რუსისტიკის (ძირითადი და დამატებითი სპეციალობა)" საბაკალავრო და "ანგლისტიკის" და "რომანული ფილოლოგიის" სამაგისტრო საგანმანათლებლო პროგრამების შეფასების მიზნით, განხორციელდეს 2022 წლის 19, 20 და 21 დეკემბერს. ექსპერტთა ჯგუფის მიერ წარმოდგენილი დასკვნის შესაბამისად, სააკრედიტაციოდ წარმოდგენილი პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		√		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	√			
3. სტუდენტთა მიღწევები, მათთან ინდივიდუალური მუშაობა	√			
4. სწავლების რესურსებით უზრუნველყოფა	√			

5. სწავლების ხარისხის განვითარების შესაძლებლობები	✓			
---	---	--	--	--

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა 2023 წლის 16 თებერვალს. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ ნაწილობრივ გაიზიარა ექსპერტთა დასკვნაში ასახული საერთო შეფასება. კერძოდ, დაამატა რეკომენდაციები, რის საფუძველზეც 1.4 ქვესტანდარტი ნაცვლად „მეტ-წილად შესაბამისობაშია“ მოთხოვნებთან განისაზღვრა, როგორც „ნაწილობრივ შესაბამისობაშია მოთხოვნებთან.“ თუმცა, აღნიშნულ ცვლილებას პირველი სტანდარტის შეფასების ცვლილება არ გამოუწვევია.

3. სარეზოლუციო ნაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლი ს პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ბ¹“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის № 223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ კენჭისყრის შედეგად 12 ხმით არცერთის წინააღმდეგ,

გადაწყვეტა:

1. დაკმაყოფილდეს იქნა სსიპ - ილიას სახელმწიფო უნივერსიტეტის მიერ წარმოდგენილი სააკრედიტაციო განაცხადი და დანართი № 1-ით გათვალისწინებულ "რუსისტიკის (ძირითადი და დამატებითი სპეციალობა) " საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით, 18 თვეში მონიტორინგის განხორციელების პირობით.
2. ცნობილ იქნას აკრედიტაციის ექსპერტთა ჯგუფის დასკვნა საბაკალავრო პროგრამების: ანგლისტიკის (ძირითადი და დამატებითი სპეციალობა), გამოყენებითი გერმანისტიკის (ძირითადი და დამატებითი სპეციალობა), საფრანგეთისმცოდნეობის (ძირითადი და დამატებითი სპეციალობა), რუსისტიკის (ძირითადი და დამატებითი სპეციალობა);

სამაგისტრო პროგრამების: ანგლისტიკისა და რომანული ფილოლოგიის საგანმანათლებლო პროგრამების კლასტერის შესახებ ამ გადაწყვეტილების განუყოფელ ნაწილად (დანართი № 2).

3. ცნობილ იქნას საბჭოს 2023 წლის 16 თებერვლის სხდომის № 188083 ოქმის № 02 ნაწილი ამ გადაწყვეტილების განუყოფელ ნაწილად (დანართი № 3).
4. დაწესებულებას განესაზღვრა შემდეგი რეკომენდაციები და რჩევები:

რეკომენდაციები:

- 4.1. რუსისტიკის საბაკალავრო პროგრამაში მოხდეს თავდაპირველად რუსული ენის სინტაქსის, ხოლო შემდეგ რუსული ენის სტილისტიკის სწავლება და აღნიშნული საკითხი დარეგულირდეს შესაბამისი სასწავლო კურსების წინაპირობებით;
- 4.2. რუსისტიკის საბაკალავრო პროგრამაში განახლდეს სასწავლო კურსის - „სლავური ენების შედარებითი გრამატიკა“ - მიზნები, შედეგები და შინაარსი, დაემატოს სლავური გრამატიკული სისტემების თავისებურებანი, რათა უზრუნველყოფილ იქნას მიზნების, შედეგების და საგნის შინაარსის შესაბამისობა მის სახელწოდებასთან.
- 4.3 პროგრამის სტრუქტურის თანმიმდევრულობის უზრუნველყოფის, შინაარსობრივად განვითარებისა და სწავლის შედეგების მიღწევადობის მიზნით რეკომენდებულია პროგრამაში ძირითადი სწავლის სფეროს სავალდებულო კომპონენტში შემავალი სასწავლო კურსები აიგოს ლოგიკურად და შემდგომ კომპონენტზე დაშვების წინაპირობები იყოს ადეკვატური წინარე ცოდნის გათვალისწინებით.
- 4.4. რეკომენდებულია სილაბუსებში მითითებული სავალდებულო ლიტერატურა განახლდეს უახლესი გამოცემებით, შესაბამისობაში მოვიდეს კურსის მიზნებსა და სწავლის შედეგებთან, მისაღწევ ენობრივ დონესთან (მაგ. რუსული ენის პრაქტიკული კურსები B 2.1, B.2.2).

რჩევები:

- რუსისტიკის საბაკალავრო პროგრამის მიზნებში აისახოს პასუხისმგებლობისა და ავტონომიურობის საკითხები;
- რუსისტიკის საბაკალავრო პროგრამის აღწერილობაში უფრო მკაფიოდ გაიწეროს სწავლის შედეგები პასუხისმგებლობისა და ავტონომიურობის კრიტერიუმის გათვალისწინებით;
- რუსისტიკის საბაკალავრო პროგრამის აღწერილობაში წარმოდგენილ იქნას მეტი ინფორმაცია ილიას სახელმწიფო უნივერსიტეტის საგანმანათლებლო პროგრამების სტრუქტურისა და საგნების არჩევის პრინციპების შესახებ;
- სასურველია, უზრუნველყოფილ იქნას ევროპის სლავურ ქვეყნებთან ურთიერთობების დამყარება-განმტკიცება რუსისტიკა-სლავისტიკის მიმართულებით, მათ შორის პოლონური ენის სწავლების მიმართულებით უნივერსიტეტში უკვე არსებული პოზიტიური გამოცდილების გათვალისწინებით;
- სასურველია, რუსისტიკის საბაკალავრო პროგრამის შემუშავებასა და განვითარებაში უზრუნველყოფილ იქნას სტუდენტების მეტი ჩართულობა;
- გააქტიურდეს საქმიანობა და გამოყენებულ იქნას დამატებითი ინსტრუმენტები რუსისტიკის საბაკალავრო პროგრამების სტუდენტების კონფერენციებსა და სწავლების საფეხურის შესაბამის სამეცნიერო-კვლევით აქტივობებში მეტად ჩართულობის უზრუნველყოფის მიზნით;
- რუსისტიკის საბაკალავრო პროგრამის ფარგლებში მოხდეს გარედან გრანტების და სხვა რესურსების მოზიდვა პროგრამების დამატებითი ფინანსური რესურსებით უზრუნველსაყოფად.

5. საბჭოს აღნიშნული გადაწყვეტილება ძალაში შევიდეს 2023 წლის 16 თებერვალს.

6. მონიტორინგის განხორციელების ვადად განისაზღვროს 2024 წლის 16 აგვისტო.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის

საბჭო

საბჭოს თავმჯდომარე

ბუჩაშვილი გოდერძი




საგანმანათლებლო პროგრამების

აკრედიტაციის საბჭო

საბჭოს მდივანი

ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	რუსისტიკა (ძირითადი და დამატებითი სპეციალობა) Russian Studies (Major/Minor)
2	ერთობლივი უმაღლესი საგანმანათლებლო პროგრამა	-
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	N68, 30.09.2011
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	ჰუმანიტარული მეცნიერებები (ძირითადი და დამატებითი სპეციალობები: ანგლისტიკა, გერმანისტიკა, ესპანისტიკა, საფრანგეთისმცოდნეობა, იტალიისმცოდნეობა, სლავისტიკა, აღმოსავლეთმცოდნეობა, ისტორია, არქეოლოგია, ხელოვნებათმცოდნეობა, კინომცოდნეობა, ლიტერატურათმცოდნეობა, ქართული ფილოლოგია)
6	უმაღლესი განათლების საფეხური	ბაკალავრიატი
7	დამკვეთის წინაპირობები	-
8	კვალიფიკაციის დონე	მეექვსე
9	კვალიფიკაციის დასახელება	ჰუმანიტარული მეცნიერებების ბაკალავრი რუსულ ფილოლოგიაში (BA in Russian Philology)
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0231 ენის დაუფლება
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	ილია ჭავჭავაძის გამზირი N32, თბილისი, საქართველო კორპუსები A, B, C და D
15	მსჯავრდებულ აბიტურიენტთა საგანმანათლებლო პროგრამაზე სწავლა-სწავლების უფლებამოსილება	-
16	ამ გადაწყვეტილების ძალაში შესვლის თარიღი	16/02/2023
17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	16/08/2024
18	აკრედიტაციის ვადის გასვლის თარიღი	16/02/2030

